

## Catrina Berther-Berther, Rueras



Naschida eis alla ella biala ucliva da Dieni ils 10 da settember 1913. Ses geniturs ein stai Baseli Berther e Maria Ursula naschida Gieriet. Catrina ei stada igl emprem affon da quella letg, suandai ein aunc diesch dels. El ravugl da tons fargliuns ei l'affonza senza dubi stada varionta; denton era plein lavur, stueva gie mintgin segidar en ed ord casa. Las scolas ha ella frequentau a Rueras ed a Camischolas la scola rela. Suenter ha ella astgau serendar a Cham ZG a frequentar la scola da scolasta da lavur manilas. Havend giu terminau cun success la scolazion retuorna ella a casa a Rueras. Biars onns ha ella instruiu las buobas dils vischinadis da Rueras e Selva el cuser e far caltschiel. Igl

ulterir temps eis ella segidada a casa culs geniturs.

Ils 13 da fevrer 1941 marida la Catrina il giuven Giachen Giusep Berther e secasa a Rueras. La famiglia crescha scochemai. Sis affons ein il plascher dils geniturs; treis buobs e treis buobas; in buob ei morts da baret. L'educaziun e preparaziun dil affons pil pass o ella veta han empleniu la veta cun bia lavur, sacrifici ed engaschi.

Il fevrer 1991 san la Catrina ed il Giachen Giusep festivar las nozzas d'aur. Bein in legreivel giubileum. Denton ha era la vegliadetgna laschau ses fastitgs. Las forzas idas a digren e la sanadad sposada han sfurzau da serender a Sedrun en casa s. Vigeli.

Il zercladur 1996 sforza in accident la Catrina da serender el spital. L' operaziun ha spossau las forzas dalla Catrina ed il Segner ha clamau ella a casa ils 9 da fenadur 1996.